



САМУРДИН

сес

«Магъарамдхуьруьн район» МР-дин общественно-политический газет.
Общественно-политическая газета МР «Магарамкентский район».

Тешкилайди: «Магъарамдхуьруьн район» МР.

Газет 1951- йисалай акъатзава. № 2 (7718) киш, 17- январь, 2015- йис. Къимет 6 манат.

Райондин къилин елка



ЦИЙИ йисан вилик 30-декабрдиз Магъарамдхуьре «Импульс» ресторанда «Магъарамдхуьруьн район» МР-дин Къилин Цийи ёлкадин гурлу межлис кыле фена. Иниз райондин, республикадин, олимпиадаирин, конкурс-

рин гъалибчийриз, призерриз, абурун малимриз, школайрин директорриз теклифнавай. Бажарагълу аялрин тереф хуьнин мураддалди тухвай и мярекатдиз райондин саки вири школайрай 60 аял атанвай.

Суварин мярекат «Магъарамдхуьруьн район» МР-дин Кыл Фарид Агъмедова тебрикдин гаф рахуналди ачуна. Фарид Загъидиновича межлисдин иштиракчийриз алуькзавай Цийи йис, ва 2014-йисуз къазанмишай агалкъунар мубаракна, идалай къулухъни абуру чпин алакьунралди, агалкъунралди виликди еримишдайдахъ ва рикле авай къастар къилиз акъуддайдахъ инанмиш тирди лагъана.

Аялрин манийрикай, къуьлерикай, гъар жуьре сегънейрикай ибарат тир еке концертди мярекат мадни гурлу авуна. Цийи йисан пишкешар гъиле аваз, гуьгъуьлар шад яз, алуькзавай 2015- йисуз мадни къакъан нетижайрай райондин Къилин Цийи йисан ёлкадин суварик мад иштирак авунин умудар аваз аялар квалериз рекъе гъат хъуьна.

А. АЙДЕМИРОВА.

Шикилда: Цийи йисан межлис физвай залда.

Бюджет тестикъарна

2014- йисан 29- декабрдиз Райондин Собраниедин сессия кыле фена. Сессия «Ма-

гъарамдхуьруьн район» МР-дин Кыл, Райондин Собраниедин председатель Фарид Агъмедова

кыле тухвана. Анал «Магъарамдхуьруьн район» МР-дин 2015- йисан ва 2016-2017-йисарин плановый девирдин бюджет тестикъарна

ЦИЙИ ЙИСАН САВКЪВАТ

ШАД ГЪАЛАРА АЧУХНА

29-ДЕКАБРДИЗ Россиядинни Азербайжан Республикадин сергъятдал чи райондин Филерин хуьруьн патав гвай са патай муйкуь патаз яхдиз экъечдай пункт шад гъалара ачухна. Кыле РД-дин культурадин лайихлу работник тир Изам Улубеков ва Ямудин Эгъмедханов авай зурнейчийрин дестеди мугъманар хуш авазралди кършиламишна.

Мярекат «Магъарамдхуьруьн район» МР-дин кьил Фарид Агъмедов тебрикдин гаф рахуналди ачухна. Ахпа анал рахай РФ-дин госуларстводин сергъятар къайдадиз гъизвай федеральный агентстводин руководителдин заместитель Магъамед Хандаева, РФ-да авай пограничный управлениедин начальник Игорь Шмоткина, Кеферпатан Кавказдин таможенный управлениедин начальникдин I-заместитель Вячеслав Иванова, РД-дин Гьукуматдин председателдин заместитель Рамазан Жафарова, Дагъустандин таможнядин начальник Руслан Яхьяева, РФ-дин Госдумадин депутат Мамед Абасова, РД-да авай Россельхознадзордин управлениедин руководитель Мурад Азиева ва адан заместитель Агъмед Омарова и пункт ачухникай, адан важиблувилик, и пункт ачухуникиди муйкуь пунктариз са къадар къезилвилер

хъанвайдакай гегъеншдиз лагъана.

Цийи пункт гъам Россиядин, гъам патав гвай гьукуматдин агъалийрин истемешунриз жаваб гузвай, вири къулайвилер авайди я.

Яру лент атлуналди пункт ачухайдалай гуйгъуьниз «Магарам-



кент» ансамблди авур къуьлери, гъевескар манидарар тир Назилия Саидалиевади, Билал Эскендерова лагъай манийри мярекат мадни гурлу авуна.

А. АЙДЕМИРОВА.

Шикилра: «Магъарамдхуьруьн район» МР-дин Кьил Фарид Агъмедова яхдиз фидай пункт ачухуниз талукъарнавай мярекатдал тебрикдин гаф рахазва ва лент атлузвай вахт.

Р. ГЪАЖИЕВАН шикилар.



РОССИЯДИН КЫЛИНБУРУКАЙ САД



ЧАЛИШМИШВИЛЕРАЙ- ЧИУЛАВ ЧИУЛАР

2014-ЙИС акъалтІна.Чи вилик финин рекъе ада са рахунни алачиз, лап хъсан не-тижар гъана. Алатай йисан ериш разивал ийиз жедайди хъана. Захъ галаз санал квалалахай вирибуруз разивилелди чухсагъул лугъузва.

Зи мурад зи квалалахди инсанриз хийир гъун хъана ва гъам яз амукъда.Чи квалалахда кылинди къазанмишнавайдал рази хъана акъваз тавун, ериш явашар тавуна анжах виликди еримешун я. Санал чалай чи школа Россияда кылинбурукай сад ийиз алакъна. Им агалкъун я, им мад жавабдарвални я.

Каратэ Кёкусинкайкакандин Россиядин Союз вилик тухунин планда къалурнавайвал, Цийи йисан вилик женгинин искусствойрин Москвадин Центрда Додзёдин руководителрин, тренеррин ва спортсменрин Вирироссиядин сборра семинар ва Дан-тест кыле фена. Ана чи уълкведин вири пиперай 200 далай гзаф кекушинувцийри ишти-

ракна, гъа жергедай яз чпин устадвилин дережа жхажун патал бягъс члугвазвай Дагъустандай тир 8 касдини.

ДАН устадвилин дережа, ТЕСТ ахтармишун лагъай члал я. «Дан-тест» им неинки татамадал устадвал ахтармишун, гъакі уьмуьрдалди ахтармишун я.

Им чун патал лап зурба вакъиа хъана гъа са вахтунда- лап залан имтигъанни. Им чи школа вилик финин цийи девир жеда, вучиз лагъайтІа и къадар мастерар чахъ садрани хъайиди тушир.

Дан-тестдин вахтунда чи спортсменри руьгъдин къакъан женгчивал, марифатдин ва психологически мягкемвал, чпин физический мягкемвал ва лигимвал къалурна. Спортсменрин женгчивилин руьгъ лап къакъан дережада хъана, женгер меслят тежер ва дурумлубур хъана.

ТЕСТ кыле тухун патал лап хъсан шартІар ярат-

мишнавай. Ам ВДНХ-дин къулай залда (женгинин искусствойрин Центр) карчивилин, дуствилин гъалара кыле фена.

Дан-тестдин вири пагъливанар хкъанавай карда чпин алакъунар къалурнавай инсанар: мастерар, БУДО-да къакъан дережайрин сагъибар тир. Абур вири кылих, инсанвал, руьгъдин мягкемвал уьмуьрдалди ахтармишунай акъатна. Аферин. Лайихлувал ва къакъан дережа къалурна.

Къейд ийиз кланзава, Дан-тестдилай къулухъ чи организацияда мад 2 кас пуд лагъай Дандин Чіулав чіуларин иеси, 2- Дандин 3 иеси ва 1- Дандин иеси яз 19 йиса авай руш пайда хъана.

Ингъе, абур: Магъмудова Светлана(1-Дан), Амаханов Мурад (2-Дан), Кадашев Халид (2- Дан), Примов Амсар (2-Дан), Ордуханов Руслан (3-Дан) ва Давудов Тажир (3-Дан).

МАКЪАЛА КЕЛАЙЛА

МАЛИМ ЧЕШНЕ Я, АММА ...

«САМУРДИН СЕС» газет-диз (2014-йис, 60- нумра, акъатай Суна Серкеровадин «Малим, аялар, гележег» кьил ганвай макъала келайла зун кълем гиле кьуниз мажбур хъана. Вичин макъалада ада малимдин адресдиз лагъанвай хуш келимаяр келай гьар жегьилдиз мумкин я, малим-вилин пеше хягъиз клан хъун.

Амма алай вахтунда школайра кваллахзавай бязи малимрин ученикрихъ галаз авай рафтарвал, кьилихсузвал, чеб тухузвай кьайдаяр, абуруз гузвай чирвилерин дережа тупалай-гьилелай авурла заз винидихъ твар кьунвай автордихъ галаз меслят жез кланзавач.

Зун малимдин пешедиз, малим лагъай тварциз гьурмет авунин, кьимет гунин терефдар я. Зун и дережадиз неинки диде-бубади, гьакл малимдин зегьметди гъана. Жуван квалле авай кьве аялдохъ галаз рахана кьиле тefизвайла, къад квалей кьезвай, къад жуьре кьилихрин аялрихъ галаз кваллахун, абурун наз къабулун регъят кар туш. Гъавилей малимдин зегьмет пара заландини я.

Амма тама жанавур кими жедач лагъайвал, школада кваллахзавай гьар садаз малим лугъуз жедани? Малимрин арада чи общество кьатариз- девлетлуйриз, уртаббриз, кесибриз пайзавай-бурни ава. Ахьтинбуру вири малимрални, школадални хъен вегъезва. Малимди хягъай « девлетлуда» вич лап агъайнавилелди тухузва. Ахьтин са кьуд-вад аял сад хъана амайбур усал акваз саймишни хьийизвач. Бязи малимар гъа ихьтинбуру алахъзава, абуруз текъезвай кьиметарни язава. Бес амайбур ?...

40 йисан тежриба авай, РД-дин лайихлу малимдиз, (твар за и сеферда кьазвач) обществодин укьуь-цуру дадмишнавай касдиз коридорда гзаф аялар алай чкадал «Я кьей хва Алимierzоев, за ви вилер акъудда!»- лугъуз кутугнавани? Эгер аялдик тахсир кватла, адахъ иеси авайди я,эвера школадиз. Къе телефонар гвачир кас амач. Чуру кар авур аялдин иесидиз тадиз хабар гуз жезва. Адалай виридан вилик аялдин рикл тларайтла хъсан яз гьисабзава бязибуру.

Са юкъуз зи кьатда авай са дишегьлиди куьчедал гьалтайла вичин аял школадай бейкеф яз хтана лугъуз шикаятар ийиз башламишна. «Къей тупой шейэр, тупицаяр, куь родителарни тупояр я, куьнни гьабурал атанвайбур я», - лугъуз малимди беябурна лугъуз шехъна. Аялди «Зун а малимдин тарсуниз мад хъфидач», - лугъузва. Бес ихьтин рафтарвал малимриз кутугнавани? Ихьтин гафар ван кьезвай аялри чеб гьикл тухун лазим я?

Вири аялриз вири предметар сад хъиз чир хъун мумкин кар туш. «Девлетлугурун» аялриз чир хъайитлани... За фикирзавайвал, бязи предметар четинбуруз элкьуьрун малимдилай аслу жезва. Малимди тарсуниз атана хъфидалди, аялрихъ галаз женг чулгвазва, гьелбетда, гафаралди. Яхцурни вад декьикъа гьуьжетар, экъуьгъунар ийиз акъудзава. Чирвилер гьинай кьведа? Нетижани кваллахдиз килигайди жезва: контрольный кваллах гайила 15 аялдиз кьведар атана. Бес и цувад аялдикай садан кьилини кваллахзавачни? Кьве вацра малимди гайи тарсарин нетижа ихьтинди хъунин сеbeb вуч я?

Вич узягъар хъувун патал ахпа таъкимарзава: «Куь диде-бубайриз за алава тарсар

тухузва лагъ. Са сят 200 манат я. Кьеззи предмет чириз кланзаватла, гъа тарсариз ша». Инал суал кьезва: аялриз са сятина гуз тежезвай чирвилер вуна пул жибиндиз атайла гьикл гузва? Бес а ведомостдай гузвайди пул тушни? Ам узягъдиз кьачузва эхир вуна. Чун аялриз алава чирвилер гуниз акси туш. Амма чирвилер гун савдадиз элкьуьрун садазни кутугнавач, иллаки малимдиз.

Малимвилин диплом зи хъуьчуькни кватлани, зун школадиз кваллах ийиз фенач. Жувал ихтибарнавай аялдиз тербия, чирвилер гунилай гьейри, жувахъ абурун амалар, хесетар къабулдай сабурни хъана кланда. Школада келдайла чаз тарсар гайи малимриз чна кьени икрамзава. Амур чаз диде-бубаяр кван багъа тир. Амур чахъ, аялрихъ галаз, рикл тлар тавуна, инсанвилин дережа агъузар тавуна рахадай. Аялрин арада тафават твадичир, тарсарай агакь тийизвайбурухъ галаз сабурлувилелди кваллахдай, хъсан кьимет гуз алахъдай. Гъа и карди зайифдиз келзавай аяларни руьгьламишдай. Зайифбур хъсан келзавайбурун гуьзчивилик кутвадай, гьабурувни куьмек гуз тадай. Гила тамаш. Вири вадар авай зи хтулдин аттестатда тек са кьуд ава. Бес и предметдин малимдиз и кар аквазвачни? Аквазва, амма рикл агакьзавач.

Школада яргьал ийсара гьакъисагъвилелди зегьмет чулгвазвай малимри заз багъишламишрай. Абурун зегьмет виридаз аквазва, вирибуру кьиметни гузва, гьурметни ийизва. Амма тама жакьал кими жедач лагъайвал, малимдин пак тварцел леке гьизвайбурни кими туш. Ахьтинбурун «тарсар» аялрини къабулайтла жафа хъанва.

А. АЙДЕМИРОВА.

КЪАКЪАН АХЛАКЪ, ГЪАЛАЛ ЗЕГЪМЕТ ПАТАЛ

ЦИНИН йис Дагъустандин мусурманрин духовный управлениедин муфтий шейх Агъмад гъажиди инсандин къилихрин, ахлакьдин вини дережадаваз тухунин йис яз малумарнава. Мугъаммад (гъалейгъи салам) дуьньядал гъам инсанрикай, гъам пайгъамбаррикай виридалайни къакъан дережадин къилихар, ахлакь авай кас хъана. Идан гъакъиндай къуръандин аятдини субутарзава: «Дугъриданни, вун вини дережадин хулкъдин (яни хесетрин) иеси я».

Риваятда лугъузвайвал, пайгъамбардин (гъ.с.) диде Аминадиз аял жедайла акуна: са лацу лиф атана (малаик) ада лагъана: «Мугъаммадаз (гъ.с.) Адам пайгъамбардин миъивал, Нуьгъан жумартвал, Ибрагъиман Аллагъдихъ авай муьгъуьббат, Исмаилан дилаварвал, Юсуфан гуьрчегвал, Якъубан шукур, разивал, Аюбан сабурлувал, Давудан гуьрчег сес, Яхъядин дуьньядихъ вил тахъун ганва.

Абу Гъурайради агакъарнавай гъадисда лугъуза: «**Зун (Мугъаммад) инсанрин хесет, ахлакь хъсанарун патал ракъурнавайди я**».

Мадни гъадисда лугъуза: «**Инсандин бедендик са клус ква, ам хъсан хъайила вири**

беден хъсан жеда, ам пис хъайила вири беден пис жеда. Им рикл я».

Имам Гъазалидин са ктабда Мугъаммад пайгъамбардин (гъ.с.) ихътин келимаяр гъизва: «**Инсандихъ ихътин къуд багъа къиметдин шейэр ава: акъул, дин, гъал-ягъ, хъсан амалар. Абур къуд маса жейэри тергзава: акъул-ажугъди, хъиле; дин-пехилвили, гъал-ягъ- темягъкарвили; хъсан амалар- гъибетди (яни къулхъай рахуни)**».

Мугъаммад пайгъамбарди (гъ.с.) инсанрин ахлакь хъсанарун патал гъамиша къайгъу чугвазвай. Инсандин уьмуьрда гъалал зегъметдихъ авай метлеб тикрардай. Гъалаллу фу тлуьн патал муьминриз пеше чирун, илимдал алахъун, вичин уьмметдал темпелвал тавун, гъакл куьчейра гъат тавун, къекъверагвал тавун веси туна.

Вири пайгъамбарри чпин хизанар намуслу зегъметдалди, пешедалди хвейиди я. Месела, Давуд пайгъамбар - чатухъан, Закарья- харат устлар, Ибрагъим- парчаяр гузвай Тажир, Мугъаммад (гъ.с.) пайгъамбар- чубан ва савдагар тир.

Абу Гъурайради агакъарнавай гъадисда Мугъаммада (гъ.с.) лугъуза: «**Хизандиз аксивал тагана, намуслудаказ, шари-**

атда къалурнавай къайдада игътияжар тамамариз, тлалабунар тийиз вуж алахъзаватла, ахътин кас къияматдин юкъуз Аллагъди чина ацлай вацран нур аваз къахрагъарзава».

Мугъаммад пайгъамбарди (гъ.с.) фу гъасилун, къуьл цун меслят къалурзава. Ада лугъуза: «**Эгер са касди емишдин тарар ва къуьл цайитла, бегъердикай къушари, гъайванри, инсанри тлуьртла- им вири Аллагъди гъисабда ва садакъадай къада**». Чна винидихъ Мугъаммада (гъ.с.) неинки къекъверагчивилиз рехъ гузвачир, ада абур дарвилляй акъуддай меслятарни къалурзавай.

Гъуьрметлу районэгълияр! Алай вахтунда гъалал пешедалди зегъмет къачуна фу къазанмишдай рекъер гзаф ава. Анжах кланзавайди жегъилриз нафакъатчивилин гуьгъуьлар тахъун я. Квез гъар садаз Аллагъди уьмуьрда хизан хуьн патал гъалал берекат къисмет хъуниз гъидаят гурай. Амин!

**Сулейман гъажи
ПАШАЕВ,**

райондин имамрин
советдин председатель.

КЪИМЕТ ХКАЖ ХЪАНВА

«АВТОВАЗДИ» ахъайзавай къиметар хкаж хъуникай хабар гана. Себеб Россиядин экономикада гъалар гуьнгуьна гъат хъувун тахъун хъана. И кардин къилин себеб доллардин ва евродин курс хкаж хъун я. Риклел хкин, эхиримжи сеферда «Ладаяр» 2014-йисан мартдиз 2,8 процентдин хкаж хъанай.



Аялар тебрикна



ЦИЙИ ЙИСАН суварин вилик Россиядин МВД-дин Магъарамдхуьре авай отделдин къуллугъчяр чпи шефство тухузвай Магъарамдхуьруьн коррекционный школа-интернатдиз мугъман хъана ва ана тербияламишзавай аялриз Цийи йис мубаракна.

Школа-интернатда тербияламишзавайбуру сегънеламишай «Аяз Буба» мах къалурна. Ахпа Россиядин МВД-дин Магъарамдхуьре авай отделдин къуллугъчийрин патай Цийи йис мубаракна коррекционный школа-интернатдин игътияжар патал 25 агъзур манат пул пишкешна. Пул къабулай школадин директор А. Рагъимхановади мугъманриз рикин сидкъидай чухсагъул лагъана.

ЧАЗ ЯШАМИШ ЖЕЗ КІАНЗАВА

ЭХИРИМЖИ вахтара аялрин къадар гзаф хъун ва абурун сагъламвал хуьн патал гъукуматди гзаф чалишмишвилер ийизва. Амма са жерге хъсан крарин арада гъалтзавай наркоманиеди, ичкибазвили къурхулувал кутаза.

23- декабрдиз Билбилрин хуьруьн М.Абдуллаеван тварунихъ галай юкъван школада «Чаз яшамиш жез кІанзава» лишандик кваз чІехи мярекат кыле фена. И мярекатда Самурдин ПОП-дин яш тахъанвайбурун крарин рекъйй участковый инспектор Р. Магъамедова, участковый терапевт А. Муртузалиева, дидебубайрин комитетдин председатель, ФАП-дин заведующий А.Абасовади ва са жерге маса мугъманри иштиракна.

Мярекат тухузвай кабинетдин цларал наркотикри, ичкиди инсандин сагъламвилез ийизвай чІуру таъсирдикай, абур ишлемишунин чІуру нетижайрикой суьгъбет ийизвай плакатар, рефератар, докладар, шикилар куьрсарнавай. Абур вири аялри гъазурнавайбуру тир.



Мярекат сифте гаф рахуналди школадин директор М.Саидова ачухна. Вичин рахунра ада ичкидикай, жуьреба-жуьре бейгъушрикой, абур инсандин сагъламвилез гузвай зияндикай суьгъбет авуна.

ГъакІ анал рахай школадин старций пионервожатый С.Бейбалаевади, 9-11-классрин аялри и месэлайрай геьенш суьгъбетар авуна. М.Шихмурадовади ва Н. Гъажиевади кхъенвай сочинениени туькІуьрнавай шиир лап рикІел аламукъдайбуру хъана. Р. Набиева ички, наркотикар ишле-

мишайбуру гъи гъалдиз къвезватІа сегъне къалурна.

Гуьгъуьнлай мярекатдин иштиракчийри участковый терапевт А.Муртузалиеван докладдихъ яб акална. Участковый инспектор Р. Магъамедова и жигъетдай чпи тухузвай кІвалахдин, и бедбахтвилехъ галаз женг къуватар сад авуна чІугуна кІанзавайдан гъакІиндай суьгъбет авуна.

М. АРАСХАНОВА,

Билбилрин юкъван школадин лезги чІалан ва литературадин малим.

Сифте кас

ГЪЕМЗЕТ Усманов Кчунрин юкьван школадин II-классдин ученик я. Ада анжах хъсан къиметралди клелзава. Азад вахтунда ада шиирарни кхъизва. Шаирвилини сирер ада школада кардик квай «Илгъам» кружокда чирзава. Гъемзета «Самурдин сес» газетдиз сифте яз вичин са шумуд шиир рактурнава. Чна абур газет клелзавайбурун фикирдиз теклифзава.

ГЪЕМЗЕТ УСМАНОВ

АЗИЗ ДИДЕ

И дуньядал валай багъа
Жедайди туш заз кланиди.
Гъечли члавуз хъена бала
Азиятрив на, багъриди.

Ви лайлаяр ширин мецин
Ама, диде, зи япара.
Ви гафар за къене риклин
Хуьда, диде, виш йисара.

Такурай заз пашмандиз вун,
Нагъе тахъурай ви вилерал.
Азиз диде, гъафилмир зун,
Валай багъад жеч чилерал.

Шиир кхъиз вакай, диде,
Чухсагъул за лугъузва ваз.
Гъамиша вун аваз рикле,
Жуван уьмуьр тухузва за.

ЗУЛУН ТАМ

Гуьрчег жеда тама зулуз,
Дерди туна фида ялгъуз,
Жува-жуваз мани лугъуз,
Къизил тамуз ша, зи дустар.

Цава жеда гуьгъуьл тадиз
Акатайла марфни куьлуьз,
Звер къачуна камар веъез,
Тамашиз куьн ша, зи дустар.

Гъар пакамахъ къезил гъава,
Къвалахъ михъи ядни гала.
Емишар бул дигмиш хъанва,
Дадмиш ийиз ша, зи дустар.

РИКИЕЛ ХКУНАР

Ви яйлахар, къацу чуьллер
Гъич риклелай фидайди туш.

А заз акур чулава вилер
Гъери ярдиз жедайди туш.

Авахъзава гурлу вацлар
Шалбуз дагъдай Каспий гъуьлуьз.
Селлер хъана къезва накъвар,
Риклиз кланид физва гъуьлуьз.

МАНИ ЛУГЪУЗ ЖЕДАНИ БЕС?

Я бахтавар сару билбил,
Низ хъурай бес и зи къадир?
Жагъин тийиз цару серин,
Мани лугъуз жедани бес?

Акурлахъди хъижез рикл тлар,
Гъилъйни зи тэфиз са кар,
Хажалатдив хъанваз рикл дар,
Мани лугъуз жедани бес?

Тум галачир жедач дергес,
Вуна фикир мийир, мирес.
Тахъайла вахъ ашкъи-гъевес,
Мани лугъуз жедани бес?

Яр такуна шумуд йисар,
Акъатиз физ гъикъван варцар,
Жаваб тагуз физваз йикъар,
Мани лугъуз жедани бес?

Хъайила вахъ пара дердер,
Рикле туна хуьзва сирер,
Накъварикди къежиз вилер,
Мани лугъуз жедани бес?

Туйкъуьл парар гъатна хиве,
Кланидан дерт аваз рикле
Цай хъайила жуван къене,
Мани лугъуз жедани бес?

ЦИЙИ ЙИСУЗ СУВАРАР ВА ЯЛ ЯДАЙ ЙИКЪАР

ЦИЙИ ЙИСУЗ цлусад юкъуз ял ягъайдалай къулухъ чун клвалахдив эгеч хуьвуна. Гила чна Зегъметдин Кодексдин бинедал алаз 23-февраль-Ватан хуьзвайдан югъ я, 8-март-Виридуьньядин дишегълийрин югъ, 1-Май-Гатфарин ва Зегъметдин суварин югъ, 9-Май-Гъалибвилини югъ, 12-июль-Россиядин Югъ, 4-ноябрь-Халкъдин садвилини югъ суварин йикъар яз къейдда. Идалайни гъейри, суварин югъ ял ядай киш ва я гъяд йикъарал гъалтиз хъайитла, ял ядай йикъар гъукуматди гъисаба къур маса йикъал хкида. Идалайни гъейри 15-сентябрдиз Дагъустандин халкъарин садвилини, Сив хуьнин ва Къурбанд суварин йикъарани ял яда.

ЧАЛИШМИШВИЛЕРАЙ- ЧУЛАВ ЧУЛАР

3 ←

Спортдихъ авай кланивал несилрилай несилрал атун патал каратэ рикливай клан хъана кланда, гъамиша тренировкаяр тухвана ва ученикар Будодин рекъай тухвана кланда. Гъа им гъарда вичин къилих лигимарзавай гъакъикъи чадя. И рехъ хкъягъай жегъил гъар са спортсмен акун за жуван члехи бахтунай гъисабзава.

2014-йис акъатна. Цийи йис яваш-яваш къуватда гъатзава. Им нетижаяр къадай, жув ва масабур патал хъсан гележегдикай фикир ийидай вахт я.

2014-йисуз умуми къуватралди чалай гъаф крар ийиз алакьна. Чи жергеяр къалин хъана. Уьмуьрдиз кечирмишай вири проектрин «ери» чара ийиз тежедай пай хъун къилин кар хъана. Им хъсан нетижа ва гележегдиз хъсан кам я. И рекъе чаз рикливай куьмек гайи гъар садаз чухсагъул.

Акъатай йисуз чун чи ученикарни галаз Россиядин гъаф регионра хъана, чна гъаф серенжемра иштиракна, зун вахтунни ва зегъметди чи Школа, санлай Каратэдин Россиядин Союз лап вилик фейидахъ инанмиш хъана. Гъалатлар виридахъ жедайди я. Чун гъамиша виликди физ чалишмиш жезва. Гъа и карди шадвал кутазава, гъа чи кар вирида къатлунни ийизва.

2015-йисуз вирибурухъ ва вирибурухъ галаз жувахъни члехи агалкъунар хъун зи мурад я. Къуй Цийи йис Кёкусиндин умуми рекъе чакай гъар сад патал цийи агалкъунрин Йис хъурай. Къуй вирибурухъ хъсан гуьгъуьл, хъсанвилихъ инанмишвал, гъакл инсанвилини бахт хъурай.

Шихан
Багъаудин ДЕВРИШЕВ.



«ДИДЕ-ИГИТ» ТІВАР АРАДАЛ ХКУН ТЕКЛИФНА

ГОСДУМАДА Россияда «Диде-игит» тівар арадал хкун ва и тівар гайибуруз 5 миллион манат пул ва са жерге социальный кезилвилер гун теклифзавай законопроект регистрация авунва. 10 аялдилай тїмил тушиз хайи ва 8 йис жедалди тербияламишай (гъа жергедай яз къабулнавайбурни) дишеглияр игитар яз гысабун теклифнава.

ЗЕГЪМЕТДИЗ ГЪАКЪИ ГУНИН АГЪА КІАНИН КЪАДАР ХКАЖНАВА

ПРЕЗИДЕНТ Путина 2015-йисан 1-январдилай зегъметдиз гъакъи гунин агъа кїанин къадар (МРОТ) 5965 манатдал къван хкажнава. Гъа икї 2014-йисав гекъигойла МРОТ 411 манатдин артух жезва.

БРИТАНИЯДА ВИРИДАЛАЙНИ МАШГЪУР ТІВАР

2014-ЙИСУЗ цїийиз хайи британви гадайрал гзафни-гзаф Мухаммед, рушарал-София тіварар эцигна. Уьлкведа итимрин виридалайни машгъур 200 тіварцин жергеда сифте яз Омар, Али ва Ибрагїм гъатнава. Итимрин виридалайни машгъур тіварарин жергеда къвед лагъай чкадал Оливер, пуд лагъай чкадал Джек ала. Дишеглияр тіварарин списокда Софиядин гуьгъунал Эмиля ва Лиля ала. «Пачагърин» Джордж, Гарри ва Уильям тіварари машгъурвал квадарзава.

ЕГИПЕТДИН ПИРАМИДАЙРИН ТАЙ

РОСТОВДИН областда чпин яшарал гъалтайла Египетдин пирамидайрилай гъвечи тушир сурар жагъанва. Чуьлдин клунтїарин пуд агъзур йисалай гзаф я. Абурукай сада итимдин скелет авай. Ам кучуднавай сур чеплак къванералди кевнавай. Клунтїунин къакъанвал къве метрдилай гзаф я. Адан диаметр 30 метрдихъ агакънава.

Кимин хабарар ківатїайди- Ф.ГЪАЖИЕВ.

СПОРТ



РАЙОНЭГЪЛИДИН ЧІЕХИ АГАЛКЪУН

ГЕРМАНИЯДИН Гамбург шегъерда путар хкажунай ветеранрин арада дуйньядин ківенквечивал къазанмишун патал акъажунар киле фенай. Ана Англиядай, Къзахстандай, Литвадай ва Россиядай тир спортсменри чпин устадвал къалурна. Алай вахтунда Цїийи Уренгойда яшамш жезвай гъепцегъви Надир МЕГЪАМЕДШЕРИФОВА и акъажунра къве медаль къазанмишна. Чи районэгъли яргъи циклдай 24 килограммдин пут хкажунай 2-чкадиз лайихлу хъана. Классикадин двоеборъедай («толчок» ва «рывок») чи районэгълиди къизилдин медаль къазанмишна. Россиядин хъанавай командади и чемпионатда къазанмишай 1-чкадик, шаксуз, гъепцегъви спортсмендин лайихлу пайни ква.

Гила чи ватанэгъли Надир Мегъамедшерифован агалкъунрин «киседа» вири санлай 96 медаль хъанва.

Администрация МР «Магарамкентский район» сообщает, что в соответствии с результатами конкурса от 29.12.2014 года продан в собственность земельный участок и права аренды земельных участков

№ лота	место расположения	кадастровая стоимость земельного участка руб.	начальная цена руб.	сложившаяся цена руб.	покупатель
10	с.Физля	1972800	1972800	1972800	Муралов А.М.
11	с.Ураг	46797,4	4680	4680	Алиева Д.Н.
12	с.Капир-Кюмаляр	34811,4	34811,4	34811,4	Расулова Р.Я.

Гъепцегърин хуьруьн юкъван школа акъалтїарайдан гъакъиндай 1990-йисуз Гюлмагомедов Афидиназ гайи А-316948-нумрадин аттестат къахъуниз килигна къватда амачирди яз гысабин.

Магъарамдхуьруьн 2-нумрадин аялрин бахчадин коллективди руш, свас, вах

Метхадова Латифа

вахтсуз кечмиш хъунихъ галаз алакълу яз Багъироврин ва Метхадоврин хизанриз дериндай хажалат члугуналди башсагълугъвал гузва.

Къилин редактор
А. ИСМАИЛОВ.

Газет гъафтеда
садра акъатзава.

Газет Магъарамдхуьруьн райондин администрацияда регистрация авуна.

Регистрациядин № 301.

Редакциядин адрес: Магъарамдхуьр, Ленинан куьче, 4.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Чап ийиз вахкудай вахт - 16.00.

Чапун патал къул члугуна- 15.00.

Газет ООО «Самур» типографияда гъазурна ва гъана чапна. 368780. Магъарамдхуьр, Ленинан куьче, 4. Лезги чїал.

Индекс 63340. Тираж 1458.

Заказ № 2.